

Kha 踏台灣地、頭戴世界天 向世界發聲、台灣 chiah 會出頭天!

2017 台灣越南兩國文化交流團簡章

- ◎ **主辦單位：**台文筆會·台灣羅馬字協會·台越文化協會·國立成功大學越南研究中心
 - ◎ **活動目的：**到越南進行布袋戲 hām 文學交流，促進台灣 hām 越南之間 ê 文化交流，進一步深化台越 ê 民間外交、拓展台灣 tī 國際上 ê 知名度。
 - ◎ **活動內容：**預定訪問越南作家協會、文化藝術院、越南社科院、越南博物館、越南國家大學、張永記故居、古芝地道等。行程包含首都河內 hām 胡志明市。詳細具體行程 ài 等補助核定 liáu chiah 確定。
 - ◎ **活動日期：**預定 2017 年 7 月 26 (拜三) ~ 7 月 31 (拜一)，6 工 5 暝。
 - ◎ **招收對象：**
 1. 主辦單位會員優先。
 2. 16 歲以上、會使照顧家己，對文化交流有興趣，想 beh 替台灣做國民外交 ê 民眾。
 - ◎ **招收團員人數：**20 名，先報先贏，額滿為止。
 - ◎ **活動網址：**上新活動消息，請上台文筆會網頁 <http://pen.de-han.org>
 - ◎ **報名方式：**請先電話連絡看 koh 有名額無，Tel: 06-2096384。網路填寫報名表。
- (主辦單位有審查 ê 權利，審查了後會通知錄取 ê 人交保證金 kap 資料)
- ◎ **費用：**會員新台幣 25,000 箍，非會員 30,000 箍。包含機票、部分餐費、飯店費用、越南交通費(無含國內機場接送)、參觀門票、200 萬旅遊險、3 萬醫療險 kap 行政費用等。Beh 一人住一間房 ê，請加 5,000 箍。目前有 teh kā 政府申請補助，若請有，費用會當減少。

劃撥口座：42266208 戶名：台文筆會

主辦單位通知錄取了後，請佇期限內繳納費用。

退費標準：(歇熱是台越航線 ê 旺季，請考慮清楚 chiah 報名，khah bē 時到 beh 取消報名造成困擾！)

1. 機票開票了後無法度退機票 ê 費用。(優先條款)
 2. 房間訂 soah 無法度退費。(優先條款)
 3. 若 6 月初 1 進前取消報名 ê 人，退 75%
 4. 若 7 月初 1 進前取消報名 ê 人，退 30%
 5. 若 7 月 25 進前申請取消 ê 人，退 10%
 6. 實際活動開始了後一律無退費！
- 若是主辦單位主動取消活動 tiòh 全部退還

★注意事項：

1. 本團是文化交流團，毋是一般 ê 旅遊團，所以存心“單純旅遊”抑是“抱著相親心態” ê 人請毋通報名。
2. Tī 越南，素食無普遍。所以，本團無保證 ē-tàng 提供素食，請諒解。
3. Hotel 以三星為主。房間安排原則上 2 ê 人 1 間(若翁仔某做伙參加 á-sī 有特別需求 ê 請 tī 報名表註明清楚)。
4. 無護照 ê、護照到期 ê ài 家己事先先處理好勢。
5. 無越南簽證 beh 旅行社代辦者，請附二吋相片二張+新台票 1,700 (一個月單次簽)，工作時間大約一禮拜。

越南相關資訊：

越南七桃網站 <http://www.de-han.org/vietnam/travel/>

免費線上 ùi 台語學越南語 <http://ebook.de-han.org/online/>